

Na osnovu člana 103. Zakona o visokom obrazovanju Kantona Sarajevo („Službene novine Kantona Sarajevo“, broj: 33/17), člana 162. Statuta Univerziteta u Sarajevu i saglasnosti Senata Univerziteta u Sarajevu, broj: 01-314/18 od 28.03.2018. godine, raspisuje se

K O N K U R S
za izbor u akademsko zvanje

Naučna oblast: **Rimsko pravo**, 1 nastavnik, u sva zvanja.

Uvjeti: kandidati treba da ispunjavaju uvjete iz člana 96. stav 1. tačke d), e) i f) Zakona o visokom obrazovanju Kantona Sarajevo („Službene novine Kantona Sarajevo“, broj: 33/17), te člana 156. Statuta Univerziteta u Sarajevu.

Uz prijavu na konkurs za izbor akademskog osoblja u naučno-nastavna zvanja, kandidati prilažu dokaze da ispunjavaju minimalne uvjete za izbor akademskog osoblja u naučno-nastavna zvanja na visokoškolskoj ustanovi, kako slijedi:

- a) docent: diplomu o naučnom stepenu doktora nauka u datoj oblasti: najmanje tri naučna rada objavljena u priznatim publikacijama koji se nalaze u relevantnim bazama podataka i pokazane nastavničke sposobnosti;
- b) vanredni profesor: proveden najmanje jedan izborni periodu u zvanju docenta, najmanje pet naučnih radova objavljenih u priznatim publikacijama koje se nalaze u relevantnim bazama podataka, objavljena knjiga, originalni stručni uspjeh kao što je projekat, patent ili originalni metod, sve nakon izbora u zvanje docenta, te uspješno mentorstvo najmanje jednog kandidata za stepen drugog ciklusa studija;
- c) redovni profesor: proveden najmanje jedan izborni period u zvanju vanrednog profesora, najmanje dvije objavljene knjige, originalni stručni uspjeh kao što je projekat, patent ili originalni metod, najmanje osam naučnih radova objavljenih u priznatim publikacijama koje se nalaze u relevantnim bazama podataka, sve nakon sticanja zvanja vanrednog profesora, te uspješno mentorstvo najmanje po jednog kandidata za stepen drugog i trećeg ciklusa studija.

Kandidati koji se prijavljuju dužni su da u svojoj prijavi naznače jedno od zvanja za koje se prijavljuju.

Kandidati, uz prijavu na Konkurs, prilažu dokumentaciju u skladu sa članom 164. Statuta Univerziteta u Sarajevu.

Dokumenti se dostavljaju u originalu ili u ovjerenoj kopiji.

Konkurs ostaje otvoren 15 dana od dana objavljivanja.

Nepotpune i neblagovremene prijave neće se razmatrati.

Prijave se podnose na adresu: Pravni fakultet u Sarajevu
Obala Kulina bana 7
71000 Sarajevo